

BOSNA I HERCEGOVINA
MINISTARSTVO KOMUNIKACIJA I PROMETA

Na osnovu člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03) a u skladu sa članom 4. stav (3) Pravilnika o Vijeću za sigurnost prometa („Službeni glasnik BiH“, broj 13/13) i Odluke o raspisivanju ponovljenog Javnog oglasa za izbor i imenovanje preostala tri člana Vijeća za sigurnost prometa iz reda stručnjaka, broj: 01-04-34-2-4067/18 od 13. 7. 2018. godine, Ministarstvo komunikacija i prometa Bosne i Hercegovine raspisuje **ponovljeni**

**JAVNI OGLAS ZA IZBOR I IMENOVANJE PREOSTALA TRI ČLANA
VIJEĆA ZA SIGURNOST PROMETA IZ REDA STRUČNJAKA**

Raspisuje se ponovljeni Javni oglas za izbor i imenovanje preostala tri člana Vijeća za sigurnost prometa (dalje u tekstu: Vijeće) iz rada stručnjaka za oblast sigurnosti prometa na cestama, na period od četiri godine.

Nadležnost Vijeća:

Vijeće daje mišljenje na Strategiju sigurnosti prometa na cestama u Bosni i Hercegovini (dalje u tekstu: Strategija); razmatra izvještaje o provođenju Strategije i izvještaje o izvršenju Akcionog plana za provođenje Strategije te daje mišljenje o njima; učestvuje u pripremi politika, strateških, planskih i programskih dokumenata iz oblasti sigurnosti prometa na cestama, koordinira aktivnosti potrebne za njihovu realizaciju i prati realizaciju, u skladu sa Zakonom i na osnovu zakona donesenim propisima; prati i analizira stanje u oblasti sigurnosti prometa na cestama i o zauzetim stavovima, mišljenjima i donesenim odlukama obavještava sve organe i organizacije u čijem djelokrugu je predmetna djelatnost; predlaže nadležnim organima i organizacijama mjere i aktivnosti koje je potrebno preduzeti s ciljem unapređenja sigurnosti prometa na cestama; učestvuje u aktivnostima koje se provode s ciljem obrazovanja i informiranja javnosti i podizanja svijesti javnosti o značaju sigurnosti prometa na cestama, kao i u drugim aktivnostima i akcijama koje se provode s ciljem prevencije i unapređenja sigurnosti prometa na cestama; donosi Poslovnik o radu Vijeća.

Naknade:

Članovi Vijeća imaju pravo na naknadu za rad čija visina se utvrđuje posebnom odlukom Vijeća ministara Bosne i Hercegovine u skladu sa odredbama Odluke o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima iz nadležnosti institucija Bosne i Hercegovine („Službeni glasnik BiH“, br. 19/09 i 10/12), ukoliko nisu zaposleni u organima uprave na bilo kojem nivou vlasti u Bosni i Hercegovini.

Broj izvršitelja: (5) pet.

Mandat: Članovi Vijeća imenuju se na mandat od četiri godine.

Opći i posebni uvjeti:

Opći uvjeti:

- da je državljanin Bosne i Hercegovine, stariji od 18 godina,
- da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije,
- da nije obuhvaćen odredbom člana IX stav 1. Ustava Bosne i Hercegovine,
- da protiv njega nije pokrenut krivični postupak za krivično djelo za koje je predviđena kazna zatvora tri ili više godina.

Posebni uvjeti:

- najmanje visoka stručna sprema (VII stepen obrazovanja), i to diplomirani inženjer prometa cestovni smjer, diplomirani pravnik i diplomirani inženjer građevine – smjer niskogradnja,
- najmanje pet godina radnog iskustva na poslovima u vezi sa sigurnosti prometa na cestama.

Potrebni dokumenti:

Kandidat je dužan da uz prijavu na ponovljeni Javni oglas dostavi i originale ili od nadležnog organa ovjerene fotokopije sljedećih dokumenata:

- 1) radna biografija (CV) sa izjavom o nacionalnom opredjeljenju, adresa i telefon za kontakt,
- 2) uvjerenje o državljanstvu Bosne i Hercegovine, ne starije od šest mjeseci,
- 3) univerzitetska diploma VSS ili univerzitetska diploma akademskog zvanja magistra ili ekvivalenta, akademskog zvanja doktora ili ekvivalenta, izdata u Bosni i Hercegovini ili nostrificirana diploma ukoliko fakultet ili postdiplomski studij nije završen u Bosni i Hercegovini ili je diploma stečena u nekoj drugoj državi nakon 6. 4. 1992. godine,
- 4) odgovarajući dokaz o traženom radnom iskustvu u vezi sa sigurnosti prometa na cestama,
- 5) ovjerena izjava da nije otpuštan iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana podnošenja prijave za upražnjenu poziciju,
- 6) ovjerena izjava kandidata da nije obuhvaćen odredbom člana IX stav 1. Ustava Bosne i Hercegovine,
- 7) ovjerena i potpisana izjava da nije na dužnosti u političkoj stranci,
- 8) dokaz da protiv kandidata nije pokrenut krivični postupak za krivično djelo za koje je predviđena kazna zatvora u trajanju tri i više godina izdat od nadležnog suda (ne stariji od tri mjeseca).

Napomena:

Dokumenti priloženi uz prijavu na ponovljeni Javni oglas neće se vraćati kandidatima u skladu sa članom 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

Ostale napomene:

Sve kandidate sa liste s užim izborom će Komisija za izbor pozvati na intervju.

Prije intervjua, svaki kandidat koji je ušao u užu izbor, dužan je Komisiji za izbor dati podatke o ranijim neposrednim rukovoditeljima od kojih se mogu dobiti preporuke i informacije o kandidatu, te popuniti izjavu u kojoj će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Nepravovremene, nepotpune i neuredne prijave neće se uzeti u razmatranje.

Podnošenje prijava:

Ponovljeni Javni oglas bit će objavljen u „Službenom glasniku BiH“, „Službenom glasniku Brčko distrikta Bosne i Hercegovine“, i u tri dnevne novine ("Dnevni avaz", "Večernji list" i "Glas Srpske") te na internetskoj stranici Ministarstva komunikacija i prometa Bosne i Hercegovine.

Prijave na ponovljeni Javni oglas sa traženim dokumentima treba dostaviti **najkasnije do 25. 8. 2018. godine.**

Prijava sa dokumentacijom dostavlja se putem pošte preporučenom pošiljkom na adresu:

Ministarstvo komunikacija i prometa Bosne i Hercegovine

Trg Bosne i Hercegovine 3

71 000 Sarajevo

sa naznakom „Ponovljeni Javni oglas za izbor i imenovanje preostala tri člana Vijeća za sigurnost prometa na cestama“